

UGOVOR  
ZA NABAVKU MICROSOFT LICENCIRANIH SOFTVERA  
KZ 38/18

Zaključen u Sarajevu dana 09.11.2018. godine između:

**KJKP „ Toplane – Sarajevo “ d.o.o.**

sa sjedištem u Sarajevu, ul. Semira Frašte br. 22

kojeg zastupa Direktor Admir Džubur (u daljem tekstu: **Naručilac usluga**)

Transakcijski račun: 338-900-22082827-07 (UniCredit bank d.d. Sarajevo)

PDV broj: 200353740001

i

**„ MIBO KOMUNIKACIJE “ d.o.o.**

sa sjedištem u Sarajevu, ul. Tvornička br. 3

kojeg zastupa Direktor Marko Boštjančić (u daljem tekstu: **Pružalac usluga**)

Transakcijski račun: 140-102-00113304-57 (Sberbank BH d.d. Sarajevo)

PDV broj: 200470540005

## PREDMET UGOVORA

### Član 1.

Predmet Ugovora je nabavka Microsoft licenciranih softvera u skladu sa Obrascem za cijenu ponude za potrebe Kupca, a zaključuje se po provedenom konkurentskom zahtjevu za dostavu ponuda broj: KZ 38/18 u skladu sa Odlukom o izboru najpovoljnijeg ponuđača broj: 03-03-01-1197/18 od 02.11.2018. godine i Ponudom broj: 4192/18 dana 31.10.2018. godine, koja odgovara uslovima iz tenderske dokumentacije.

## CIJENA I USLOVI PLAĆANJA

### Član 2.

Ukupna ugovorena vrijednost usluga iz Člana 1. ovog Ugovora iznosi:

**19.883,00 KM**

**(slovima: devetnaest hiljada osam stotina osamdesettri i 00/100 KM)**

Ugovorena vrijednost usluga je bez uračunatog PDV-a.

### Član 3.

Pružalac usluga se obavezuje da za izvršene usluge ispostavi račun u skladu sa Zakonom o PDV-u.

### Član 4.

Naručilac usluga se obavezuje da će izvršiti plaćanje u roku od 30 dana od dana prijema računa Pružaoca usluga.

## ROK I MJESTO ISPORUKE

### Član 5.

Pružalac usluga je obavezan izvršiti usluge u roku od max. 60 dana od dana pismenog zahtjeva Naručioca usluga.

Mjesto isporuke: elektronska potvrda o aktivaciji licenci.

### Član 6.

Pružalac usluga se obavezuje da će, u sklopu isporuke licenci, održati dvije radionice za IT osoblje Naručioca usluga na temu:

- ✓ Načini licenciranja Microsoft proizvoda za javna komunalna preduzeća
- ✓ Osnovne novosti u Windows Server 2016

a koje će održati osobe ovlaštene od proizvođača.

## GARANTNI ROK

### Član 7.

Garancija za izvršenu uslugu je u skladu sa pravilima licencnih Microsoft uslova.

## PRELAZNE I ZAVRŠNE ODREDBE

### Član 8.

Za sva pitanja koja nisu regulisana ovim Ugovorom primjenjivaće se odredbe Zakona o obligacionim odnosima.

### Član 9.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

### Član 10.


Ugovor stupa na snagu danom potpisivanja.

### Član 11.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) za svaku ugovornu stranu.

Za Pružaoca usluga

„MIBO KOMUNIKACIJE“ d.o.o.


  
Marko Boštjančić

Broj: 271 /18



Za Naručioca usluga

K.O.P. Toplane - Sarajevo " d.o.o.


  
Admir Džubur

Broj: 03-08-04-4321 502.01/18




*Pepr*  
*Bh*

Izvršni direktor za  
tehničke poslove i marketing

  
Nenad Šormaz

*Mija E.*



## UPRAVA

Broj: 03-03-01-MKZ/118

Sarajevo, 02.11.2018. godine

Na osnovu člana 64. stav 1., tačka b., člana 88. i člana 70. stav 1.,3. i 6. Zakona o javnim nabavkama („Službeni glasnik BiH“, broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“, broj 103/14), Pravilnika o postupku nabavke broj PR/SN/01 od 24.02.2015. godine, na Preporuku Komisije za javnu nabavku broj: 38/18/5 od 01.11.2018. godine, direktor donosi:

### O D L U K U

- o izboru najpovoljnijeg ponuđača za nabavku -

### NABAVKA MICROSOFT LICENCIRANIH SOFTVERA

#### Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 38/18/5 od 01.11.2018. godine i ugovor za javnu nabavku Microsoft licenciranih softvera – KZ 38/18 dodjeljuje ponuđaču:

„MIBO KOMUNIKACIJE“ d.o.o. Sarajevo

prema ponudi broj: 4192/18 od 31.10.2018. godine, za ponudenu cijenu bez uračunatog PDV-a u iznosu od:

**19.883,00 KM**

kao najpovoljnijem ponuđaču.

#### Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi).

#### Član 3.

Prijedlog ugovora o nabavci dostavit će se na potpis izabranom ponuđaču, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

#### Član 4.

Ova odluka će biti objavljena na web-stranici [www.toplanesarajevo.ba](http://www.toplanesarajevo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

#### Član 5.

Za izvršenje ove odluke zadužuje se i ovlašćuje Služba nabavke.



## Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-1134/18 od 12.10.2018. godine.

Javna nabavka je provedena putem konkurentskog zahtjeva za dostavljanje ponuda.

Obavještenje o nabavci broj: 160-7-2-211-3-104/18 poslato je na objavu dana 15.10.2018. godine, a objavljeno je na Portalu javnih nabavki dana 15.10.2018. godine u 15:32 sati.

Komisija za javnu nabavku imenovana je Odlukom broj: 03-03-01-1135/18 od 12.10.2018. godine.

Nakon isteka roka za preuzimanje, tendersku dokumentaciju je preuzelo 19 (devetanest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki [www.ejn.gov.ba](http://www.ejn.gov.ba)).

Nakon isteka roka za podnošenje ponuda evidentirano je da je putem protokola u zatvorenoj koverti pristigla sljedeća ponuda:

1. „ MIBO KOMUNIKACIJE “ d.o.o. Sarajevo, broj protokola 4192/18 datum 31.10.2018. godine u 09:07 sati

Dana 31.10.2018. godine u 14:00 sati, Komisija za javnu nabavku je izvršila javno otvaranje pristigle ponude sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristigle ponude.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da pristigla ponuda ispunjava formalno – pravne i tehničke zahtjeve ugovornog organa odnosno da je prihvatljiva za ugovorni organ i da može biti predmet vrednovanja shodno utvrđenom kriteriju.

Tenderskom dokumentacijom predviđeno je zakazivanje e-aukcije, ali se shodno članu 3. stav 3. Pravilnika o uslovima i načinu korištenja e – aukcije („ Službeni glasnik BiH“ broj: 66/16), u slučaju prijema jedne prihvatljive ponude, e - aukcija ne može zakazati i postupak se okončava u skladu sa članom 69. Zakona o javnim nabavkama.

Komisija za javnu nabavku dostavila je dana 01.11.2018. godine preporuku o izboru najpovoljnijeg ponuđača broj: 38/18/5 od 01.11.2018. godine zajedno sa izvještajem o radu broj: 38/18/4 od 01.11.2018. godine, zapisnikom o pregledu i ocjeni ponuda broj: 38/18/3 od 01.11.2018. godine o ocjeni, u postupku javne nabavke – Nabavka Microsoft licenciranih softvera – KZ 38/18.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna).
- da je blagovremeno zaprimljena 1 (jedna) ponuda.
- da nema neblagovremeno zaprimljenih ponuda.
- da je ponuda ponuđača „ MIBO KOMUNIKACIJE “ d.o.o. Sarajevo prihvatljiva.
- da nema neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „**najniža cijena**“, te da je rang lista prihvatljivih ponuda / ponuđača sljedeća:

1. „MIBO KOMUNIKACIJE“ d.o.o. Sarajevo,

sa ukupnom cijenom ponude u iznosu od **19.883,00 KM** bez uračunatog PDV-a.

Cijeneći navedenu rang listu i kriterij za vrednovanje, ugovor za nabavku Microsoft licenciranih softvera se dodjeljuje ponuđaču:

„MIBO KOMUNIKACIJE“ d.o.o. Sarajevo

sa ukupnom cijenom ponude u iznosu od **19.883,00 KM** bez uračunatog PDV-a, odnosno

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b., člana 88. i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

#### POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

Direktor  
  
Admir Džubur

#### Dostaviti:

1. Ponuđaču: „MIBO KOMUNIKACIJE“ d.o.o. Sarajevo
2. Službi nabavke a/a



ANEKS 3

## OBRAZAC ZA CIJENU PONUDE

NAZIV PONUĐAČA: MIBO KOMUNIKACIJE DOO SARAJEVOBroj ponude: POP - 1844/18Datum: 31.10.2018Strana 1 do 1


R. br.	Opis usluga	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	Windows Server Standard Core 2016 16Lic	kom	2	1.666,00	3.332,00
2.	Windows Server 2016 Device CAL	kom	120	58,00	6.960,00
3.	Office Standard 2019	kom	12	703,00	8.436,00
4.	Visual Studio Pro 2017	kom	1	855,00	855,00
5.	Radionica za IT osoblje ugovornog organa na temu načini licenciranja Microsoft proizvoda za javna komunalna preduzeća i osnovne novosti u Windows Server 2016.	h	4	75,00	300,00
UKUPNA CIJENA BEZ URAČUNATOG PDV-a					19.883,00
POPUST: <u>0</u> %					0,00
UKUPNA CIJENA SA POPUSTOM BEZ URAČUNATOG PDV-a					19.883,00

## Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Mjesto i datum: SARAJEVO, 31.10.2018

Potpis i pečat ovlaštenog lica:



Oktobar, 2018. godine

KJKP "Toplane-Sarajevo" d.o.o. Sarajevo  
Tender za nabavku Microsoft licenciranih softvera – KZ 38/18

J



OBRAZAC ZA CIJENU PONUDE

OSTALI USLOVI:

- ✓ Plaćanje: 30 dana od dana prijema računa.
- ✓ Rok izvršenja: max. 60 dana od dana prijema pismenog zahtjeva ugovornog organa.
- ✓ Mjesto izvršenja: elektronska potvrda o aktivaciji licenci.
- ✓ Garantni rok: u skladu sa pravilima licencnih Microsoft uslova.

NAPOMENA: Sve licence moraju biti trajne i moraju biti vidljive sa drugim, ranije nabavljenim licencama za KJKP „Toplane-Sarajevo“ d.o.o. Sarajevo na Microsoft Volume License portalu.

Mjesto i datum: SARAJEVO, 31.10.2018.

Potpis i pečat ovlaštenog lica:  
